

青芝山館集

青芝山館詩集卷第十三

臨川 樂 鈞 元淑

古今體詩

壬戌上

正月二日遊南屏還登吳山江湖適至

一山橫截六橋尾吸盡湖光三十里眼中獨失錢唐江更上  
吳山望海水龍齧蒼茫煙樹開似有春氣從東來

是日春城郭

忽搖草木動雪山倒入寒雲堆憶昔江邊停棹處炎日無風  
江水怒揮斥魚龍跳舞還我舟卻背潮頭去電掣星馳今八  
年潮來山下我山顛潮來潮去總如此過客還買吳江船秦  
皇鞭石不入海六龍一過山河改南宋宮城形勢尊敵來江  
口潮安在婆畱能築捍海塘人說英雄強弩強天時易衰國

勢變子孫銜壁稱降王興往情移感慨重萬井人煙迷瓦縫  
豈獨羈棲是偶然人事千秋同一夢君不見遊人歸去各怱  
怱湖上正打南屏鐘

初三日同劉磊生

斯增

簾舫

塔

遊天竺靈隱諸勝得

詩四首

嶽妙超靈山幽尋挈勝侶湖波流不到嶺雲厚如許香臺樹  
杪出凍鳥埵尖語春氣破積陰微雪化零雨

已失兩高峯歛至三天竺佛國非舍衛天險比函谷地偏形  
勢開春新士女簇清磬落簷花寶馬嘶崖竹

猛虎久不嘯斷猿何時啼慧公挂錫處泉冷山欲飛松陰暗  
行逕草溼沾僧衣入寺不禮佛但折梅花歸

奇秀不足處鷲峯分石來雲根一着地蓮花成倒開佛光露

一罇仙藥封斷崖我欲袖之去山鬼啼蒿萊

題周端孝先生血疏貼黃後

先生名茂蘭忠介公順昌長子刺指血上疏訟父冤請誅  
倪文煥戮毛一鷺屍姚文毅公帝孟見之以疏中鼎湖勸  
進語涉忌諱先生復刺舌血易書貼黃以進此其初本也  
凡十三行一百四十四字同時姜貞毅魏冰叔皆有跋

國法未伸冤未雪孝子垂曾走伏闕刺指刺舌寫嗚咽非指  
非舌乃心血殿前丹楓對凜冽毛斷其棺倪處決父仇既復  
姦亦除寓忠於孝真奇節貼黃初本畱于劫紙上精光炳日  
月嗚呼當年東廠肆威燄有熱血者皆奮舌吳門緹騎虎狼  
暴五人振臂頸爲折生祠土偶忽仆跌逆案姓名鑄生鐵存  
者如鬼氣漸滅惜哉根株斬未絕體仁乃更相莊烈義兒馬

阮死灰熱孝子吞聲老巖穴

題文文肅公

震孟殿試卷後  
吳門袁文愷秀

漢廷初召賈長沙五色雲光捧日華  
得士如公真可賀遭時無道轉堪嗟  
立朝風節垂青簡及第文章護碧紗  
自笑平生志溫飽衝寒驛路看梅花

重至題襟館雪中東賓谷都轉四首

別君事日異見君情益親  
飲君一杯酒留臆開層雲  
天上白玉花吹爲階下塵  
草木氣蕭瑟松柏心不春  
四野莽無路寒風愁殺人  
眼前勿復道聊使雙眉伸

昨過吳王城道遇嬋媛女  
芳有白頭婦對之淚如雨  
暮景驚盛年豈必論眉嫵  
萬事怕關念頃刻難自主  
焉知絕代姝金屋傷獨處  
薺茶洵殊味不食無甘苦

老梅非爭春時至行自開以茲驗遭際安論才不才聞有列  
仙宅白玉三層階四面圍弱水人世稱蓬萊我本塵土士無  
意尋丹臺夢中或一往當拾瑤草回

往年賦春雪痛飲幾不醒六花今又飛未敢輒酩酊梧枝雖  
未青扶疎傍人影猶勝秋風後枯葉墮金井凍雀還能鳴冷  
意幾人領舊侶相暖熱呼童煮新茗

次韻荅都轉送行之作

此去二千里上林花木榮春風豈無意小草若爲情歸夢逢  
江斷窮途犯雪行西園松竹在遲我話平生

夜雨和手山

始信斜陽未是晴春宵忽忽響秋聲花飛不待曉風急酒醒  
猶疑寒柝鳴重幙香殘經幾宿小窗燈燼又三更平時良夜

成孤負粉榭朱闌月自明

次韻留別手山四首

科第書生事乾坤客子身艱難當盛世奔走到閒人雪較三  
冬冷花爭一歲春舊遊安可問過眼卽前塵

客愁君所共我復渡桑乾雲樹隨車遠冰霜入酒寒飢烏啼  
正急病鶴舞應難敢更微名累公卿尚挂冠

曾買燕姬笑如今非少年豈無風裏絮只費杖頭錢弔古遺  
金粉傷心怕筦絃飲醇兼近婦公子亦堪憐

太白狂無奈高歌日幾回吳天悲月露淮海夢樓臺心事琴  
三疊年華滿一杯散仙儘遊戲何必隸蓬萊

過雄縣作

小麥未抽芽山桃已試花馬頭風雨土天末水滌沙破廟飛

羣鴉春城噪萬鴉雖無民社責攬轡獨長嗟

題蒲快亭進士出塞圖二首

虎衛森熊館龍沙簇鳳旗書生曾策足往事尚軒眉雲破雙  
雕落風輕一馬馳梁園詞賦好還遣外藩知

今日騎腰裏看花向上林掖幕真個儻判袖隔升沈劍作囊  
中物詩無塞上吟草間狐兔在獨有枕戈心

四月十七日宗室裕公

瑞

思元主人招同法時帆學

士瑛夢禪處士楊蓉裳農部張船山太史吳蘭雪孝  
廉集樊學齋次主人韻兼呈諸公

花裏金盃次第傳平臺風喚麥秋天客如野鶴閑相對酒入  
詩腸醉欲仙檻外尚畱栽竹地雲間曾墾種芝田獨慙才藻  
非袁淑一傲陳思白馬篇



題思元主人風雨遊圖

王孫逸氣橫，曾出攬底波。濤瀉溟渤，偶窺天漢踏。長虹龍雷  
相隨走，激浪自記遊蹤。蒼莽間昆明湖，接桃花山新月。未生  
日，已落狂飈。欲動人爭還，但覺湖光照眼白。邯鄲山雲頭上，  
黑須臾紫電，佛單衫咫尺紅泥沒。雙屐來時，曾見垂綸翁歸  
路迷，亦何處逢老鶴一聲去。冥漠長魚十尺騰，高空如此蒼  
黃轉。雄快天幸，奇逢得意，外兼饒僮僕，誇清豪一任賓朋笑。  
迂怪燈前火急，追人遁雨痕。墨瀋相模糊，何人更變米家法。  
當時傳出秦川圖，妙文摹寫原如繪。至今滿紙溼煙翠，始知  
猛雨傾淋漓，乃是文心吐滂沛。王孫尚樂道，遙遊何況江南  
野水鷗。此身真合湖山老，莫向金門再掉頭。

芍藥

名花原自說豐臺，苦被東風任意開。異品豈無誰采擇，殘春如此倍低徊。磨頭爛漫飛紅雨，瓶裏枯凋委綠苔。粉蝶黃蜂真孟浪，偶聞香氣便飛來。

送春曲

乍喚乍寒天欲雨，樹杪顛風更如許。飛花一夜滿長安，歸燕流鶯都不語。料得年光只此休，馬蹄落處總生愁。垂垂幾樹新栽柳，和雨和風近小樓。

更名詩

約初名宮譜今年四月  
片譜于禮部更名今名

已孤不更名，我名實自命。肇錫異靈均，更生同子政。初應童子科，再承州長聘。遂因懷牒疏，竟等吹銅定。祥徵異高琳，夢兆殊到鏡。庶免曼多譏，豈云充闔慶。在心故未愜，於義還求勝。故事宜博稽，古人可遙證。趙嘉易趙岐，卻纂爲卻正。羅隱

本羅橫孫忌改孫晟慕蘭旣前徽比荀亦後勁信以獨孤著  
儉惟長孫稱變更固紛紜記載仍輝映顯晦時所爲窮通命  
姑聽溫岐終窮愁李贖自貴盛黃裳兆旣虛李石夢仍應虛  
聲良勿論葉語有時竟九州遞沿革四序殊號令轉移造化  
權堅重金石性敢望銘鼎鐘畧擬附文詠舊侶問今吾釣名  
仍樂姓

春草

生意渾無奈郊原只自春綠分羣樹早紅與落花親不負中  
宵露能棲九陌塵年年二三月忙殺踏青人

次韻留別蔡沈霞儀部

樂揚

空階雨過又生塵婪尾花紅不是春已散交遊成昨夢再來  
京國認前身相思各有難言事未死誰非失路人別後飄零

君莫慮那能更比此時貧

麥熟歎

天不雨麥已熟去年一雨今年足桑乾橫流轉地軸水雖爲  
災亦爲福地乾半載土猶沃麥舊一斛今兩斛舉家不喫官  
飯粥悲哉翁媪不耐饑與寒窮冬已入柶木棺

初六日自富莊驛冒雨至阜城

狂飈送斷天中節戍樓近夜無新月漏鼓聲沈酒忽醒車鐸  
簷鈴響金鉞誤聞朝鳥報天晴行人不行還復行馬蹄一蹴  
黑雲起馬頭十里雷車鳴此去東溟只咫尺杯水龍宮今不  
惜黃浪翻空麥已秋可憐亂草隨車碧西北雲霾黯未消時  
見紫電飛林腰路險更愁泥滑滑風迴還助雨瀟瀟輪陷輻  
摧那可問馬力人心兩窮困前途萬事真泥沙生死眼前爭

尺寸去年河伯倒狂瀾今日燕南土未乾殫閭沈竈且休說  
白日青天行路難

德州道中口號

苜蓿花開紫豔肥高粱藍短稻苗稀馬頭一陣南風過無數  
鷓鴣黃蛺蝶飛

德州曉發

帶夢穿城出車前曉色多風搖新綠樹路入古黃河宿雨留  
宸澤初陽下遠坡漸知邨店近輕燕拂人過

重至厯下謁方伯吳彙繡先生遂入居使院西園筆  
花書屋承贈二律次韻奉荅

羅浮三載隔嶙峋重過東藩拜岳神度隴麥天黃帶雨挂廳  
蘿月翠無塵園林舊是南豐主文酒今多北海賓欲向蓬山

傳古曲煩公引袖拂龍唇

慙愧東湖種菜翁故園今又老春菘歸心遠照佳廬月仙夢  
輕吹太液風澗底孤松原礪礪雲間百鳥自高空猶餘一點  
唐衢淚灑入昌黎贈句中

和巢松見贈二首

鳴寄渾無定鷗盟故易尋三年張敏夢四海孟郊心月出華  
泉皎雲依岱岳深獨憐歸計急高閣暫登臨

握麈當千佛揮豪破百城神虬能俯矚倦馬亦長鳴要剪詩  
妖淨還殲逆寇平擴清同此願聊和短歌行

西園月夜和曇繡先生二十韻

歷下亭邊路重過八載遙車聲連赤縣岳色隱青霄問字來  
花遲開樽對斗杓天高弦月吐地靜火雲消影散桐千葉涼

生柳萬條蒼香都冉冉竹意自悠悠高詠欽詩伯清談共幕僚  
園林多勝賞煙露此良宵憶昔經南海辭公趁晚潮頻年  
懷講席今日駐郵輶纓向蓮池濯琴依石洞調玲瓏消暑館  
宛轉送春橋泉壑心原契風塵鬢漸凋鶴飛常警夜鳧泛不  
終朝失路翻閒散逢場肯寂寥此身畱一粟餘事付三蕉地  
況龍門接人皆駿骨超星辰垂几榻溟渤瀉杯瓢歸夢凌風  
斷吟懷得酒澆湖山堪借住隨處作漁樵

題巢松華首攜琴圖

孤青螺髻青龍從五百羅漢擬神鐘咒龍叱虎各飛去卓錫  
盡化蒼髯松梯雲記入花宮宿石壁蘿煙月色綠臥聞萬壑  
鳴宮商天風自奏神絃曲三年隔面如三生夢裏空踏金襪  
行忽見丹崖上縑素阮生屐跡猶分明羽客何時降雲霧手

揮落霞傳絕調，瑤笙玉笛噤無聲。仙蝶亂飛，啞虎嘯神兮爲  
馬尻。爲輪珠，幡翠葆，來紛紛。君雖未到勝我，到袖中雲氣常  
氤氳。可憐大地緇塵，汗枯桐三尺，無橫處。羊體稽心，那復論  
海波。漫斷蓬萊路，誰山巖泉。連湖淡與君同譜。醉翁吟只愁  
更變清商曲，傷盡人間壯士心。

五月望日與同人泛舟鐵公祠下，遂集小滄浪聯句

三十韻

水搖城碧

釣

殘陽射雨紅如龍，官舫活

吳縣吳慈鶴巢松

立雁畫橋工萍海，淡無浪

長洲陳杰虹橋

荷天闊有風影斜

華嶺落

常熟蔣固培伯生

光遠鵲湖通壺嶠，來開客

釣亭臺

屬寓公野情漁釣喜

慈鶴

簷服薜蘿同蝸篆，緣雕檻

杰蛛絲

骨翠櫛殼疏雲瑣碎

四培

晶箔水玲瓏，燕舌嬌藏柳

釣猩毛



豔拆茂地襟房子宅慈鶴牆背德王宮勝國歸菴味杰荒祠

弔古忠靈鴉陰噪火因卓鬼馬書嘶空白羽沈埋久鈞元犀

指點雄簪裾過幾輩慈鶴幫屐屨微躬項縮曾來膾杰芽肥

鏟後松竹根蕉顧渚因培蕉葉破郭筒賦或希神女鈞仙還

於玉童此遊非汗漫慈鶴乘醉問鴻濛用舍謀俱拙杰成駘

理同窮由草迷露豹因培積穀寄珂蟲贈登麒麟策鈞嗜鳴

薄雲馬應時能果決慈鶴失路等愚蒙岱色飄吳練杰滄煙

滯楚品然花春草草因培書劍日恩恩綠字淋斑竹鈞朱絃

倚巖側遙巖啼竄狄慈鶴夾礪飲奔虹枕簟宜槐下杰棊枰

白橘中後期盟黻佩因培前事學燕帶狂怪真齊士鈞升沈

亦塞翁君看湖月起慈鶴波鳥不樊籠杰

壺嶠亭對月與巢松虹橋同作

一線殘霞送夕陽空懸明月照昏黃潮生預恐江船滯雨過  
遙知海市荒誰抱素琴彈水閣似聞仙珮響天闕何時卻報  
西師捷仰見櫓槍尚有芒

訓陳虹橋布衣

蕭艾無遠香松栢有佳影高原成菁萃茂序俱茗穎征輪海  
西駐談拂花間乘分詠旣雲窗聯吟更煙艇余聲猿鶴哀子  
力龍象猛鎖鍊締赤爐沆泉冽元井險驚鬼斧鑿奇訝神燈  
刺詩骨洵蒼堅交懷且淵靜縞帶感先貽朱絃愧麤頌雅音  
簪已淪正誼今則炳羽毛多鴻鵠鳴噪過蛙黽一軍君獨張  
六轡願同整鏡瑩明湖波繡羅歷山景梅黃天驟炎月白夜  
不永將甘山澤癯猶苦泥淖騁同志在竹素離心付楠爨

蒼巢松贈笛篇

巢松以萊州綠石笛見贈

痛飲三斗不成醉

曾有百丈崢嶸氣  
西風怒走雲有聲  
一管

霜筠應手碎  
岑華仙人騎鳳皇

巢松號所居曰岑華仙館  
駕月排煙來我

旁探袖玉龍忽飛出一時林鳥皆驚翔  
海山玲瓏透日月綠

髓千年石心結別筩鑿孔勞神斤任是  
老蛟吹不裂君不見

太行青泥聲若劍石搜神鉅彭蠡鐘山  
寂水荒人莫到棄與

頑石麓沙同爭如何亭之樣煙舍竹一  
朝琢削逢良工又不

見戎陽宮裏昭華宮楚人燔烈秦燄短  
三郎玉筩倚涼州紅

桃田對雙淚流爭如青溪之濱赤壁下  
新聲古調自閒野今

君乃以此筩貽爲君坐向尊前吹一曲  
未終氣已塞此筩尊

前吹不得誰能攜上昆侖斲璣拊石合  
眾仙碧柰未花瑤

笳折鈞天一夢三千年關山南望頭堪  
白腸斷更憐征戍客

君不見古來曾唱隴頭歌  
筩兮筩兮當奈何

二十六日蓮西社話別聯句二首

嶺表同游歷

慈鶴

齊郊復盍朋歌聆珠女慣

杰

辯折魯儒能

徑竹疎延塵

鈞

林花密灑燈一般南海月

慈鶴

尙傍誰華升

吹碎離亭笛

杰

悲風捲地來孤煙浮魯甸

鈞

一鳥背燕臺各

行驍騰志

慈鶴

難消抑塞才珊鞭親手贈

杰

灑淚向龍媒

鈞

郊城道中

不待聞雞起行人本自醒屢過雙隻俟遙望短長亭路近淮  
墘綠山連岱麓青晴空飛急雨陣陣是蝗螟

紀行一首清河舟中寄巢松濟南

咿嚶復咿嚶熱淚不可收念君知我心庶用宣煩憂別君十  
七日始買淮上舟勞軀雖稍寧局促等繫囚憶自畿輔來訪  
君歷山陬拜君堂上親與君重唱酬解裝蓮西社樹古池臺

幽壺嶠亭最高遠山咸在眸雨洗華不注月升於之罘泛舟  
小滄浪筆硯錯杯甌聯詩台英侶脫橐旋雕鏤傾衿逮半月  
逸趣常冥搜此樂庶忘歸懷親難久畱爾來判仙塵倘恍疑  
夢遊炎景日以烈飛埃從鬱攸岳宗而梁父山石紛相繆幸  
免摧輪患霖霖還見仇滿流起馬前溪處同渠溝無梁無舟  
楫百夫挾我輶若蠶昇棄鬻若鳧鷖拍浮野宿親虵虺鬼號  
蟲啾啾疑噓咈南星昏不見斗牛僕夫醉則怒相搏如羣猴  
有時被推罵欲輟還復休榮途有奇辱只此何足尤知君計  
程期謂已達揚州人事百無定茲行寧自由在簪貢太學側  
身望瀛洲逝當爲鷓鴣不願作鸞鳩當爲霜後鷓勿作沙上  
鷗每言車騎前何可無八騶陳安匪壯士三戰遺虵矛豪情  
旣消阻反用輕公侯承言謝北轍退作林泉謀燕郊復稅駕

宛轉良可羞方今際熙洽萬物隨分投勞薪靡烈焰豈與械  
樸樵散人世頗有我命胡不猶再拜望諸墓愁雲蔽松楸三  
月四月中桑乾幾斷流窮黎值大疫骯髒積爲邱糜粥費鉅  
萬 皇仁恩已稠齊魯二麥登甌窶俱滿箒卻憐徐郟間蔽  
野飛蝗蝻因念大江南今年豐穰不歸心益迫促遄返巡西  
疇我雖寸田無鄉里須有秋鄉里咸康居我窮終不愁君年  
少一紀才且十倍優宜簪五色筆金殿待 環旒否則袖珠  
鈴收功于兜鍪我宜燒儒巾弋釣相歌謳六螭無迴轡身世  
徒浮游四十不强仕何時樹遠猷焉用貂蟬冠以華垂白頭

雨過

雨過天如洗開篷受晚涼長煙分鳥路夕照滿魚鄉樹辨前  
灣遠船看下水忙歸程都可畫聊欲倩倪黃

英烈夫人祠

瑁筵血濺湘裙紫行酒美人罵賊死孟城芳草碧入雲英哉  
烈哉祠中人手擲遺釵白玉色化爲莫邪能殺賊蓮花瑟瑟  
湖波清十丈青泥汙不得鳴鳴瓊簫雜畫鼓豔女踏歌垂手  
舞水妃月姊聯袂來六月風香蘭扇土

露筋祠

女貞無花青不枯雌蟬抱葉神鴉呼星妃玉珮照煙水發社  
老蚌羞明珠桃花夫人楚宮老芳名那及漸臺好鸞馭飄煙  
下故墟應憐墜珥埋淡草蛻骨塵埃干載香靈旗杳杳風吹  
光好去廣寒殿裏佳人間無地能清涼君不見炎威正酷陰  
霾憑祠下雷聲喧豹腳

讀杜樊川詩

浣花有佳兒手斷兵曹斧同姓得紫微詩名復在杜豔雲隨  
風變俊鳥入花舞施嬌被綺羅無意矜眉嫵君抱經世懷罪  
言竟無補載酒江湖遊放浪情或苦一夢墮揚州蕩子競比  
數誰知狂書記淚溼雷塘土

讀盧玉川詩

烏道奔金牛龍門躍翠虬哉玉川詩驚倒河南尹斯道有  
康莊駟馬齊駟軫張帆凌濫瀕艱難固可憫韓門羅俊髦稍  
恨邊幅窄郊寒鳥瘦問以此擴疆豈吁嗟添丁識垂老身命  
殞才奇禍亦奇造物豈相準

調鸚詞

簾押垂垂閉花影鸚哥愁飢喚人醒翠帷香夢了無蹤儂不  
訶汝翻訶儂儂有紅豆一千粒不將飼汝汝徒急珊瑚倒挂



玉鎖懸欲啄寶釧銜花鈿儂雖汝嘖還汝憐憐汝光鮮好毛  
羽憐汝聰明巧言語儂今教汝歌金縷汝若能歌當飼汝

戲貓詞

薔薇花上白舌呼薔薇花下貓鳴鳴金鈴一串郎當響貓奴  
走入芙蓉幌繡篋正放金剪刀貓奴來撲湘裙縵拋香墜  
賺貓攖貓眼睜賜貓頸縮欲攖不攖忽一躍玉虎銀獅鏡中  
落綠毛軟藉花茸茸愛臥儂懷真惱儂侍兒抱置闌干曲手  
擘乾魚飯貓足迴身跳上西家屋

呪雅詞

鄰家健婦惱鷺鴨訶風罵雨儂不荅儂病未除郎未歸儂與  
他人無是非怪來百事成乖錯白項老鴉啼屋角世間生此  
可憎烏能使人家吉祥少相呼啞啞來更多欺儂無計如汝

何朝來暮來啄我粟會看蒼鷹啖汝肉不然王孫持弓挾彈  
過一彈高飛一雅墮

占鵲詞

啾啾復啾啾儂心如轉石開門悄四望遠草萋萋碧古言鵲  
噪行人至郎君已渡西津未前年鵲噪阿姊妝樓前阿姊夫  
壻長安旋去年鵲噪阿姨屋簷下阿姨門外嘶歸馬儂家鵲  
噪靈不靈風落簷花紅滿庭卻怪飛鴻傳語到言郎尚在金  
陵道

廣陵咏古小樂府十七首

啄皇孫

燕燕啄皇孫童謠聞不聞燕子生在江都邸一朝飛入漢宮  
裏但解作巢不生子不生子皇孫死

夔敬陂

夔敬陂陳公塘灌我田疇肥我稻梁夔公敬公無日忘人言  
公是湖海士安知公乃循良吏夔公敬公非一事張公渠名  
伯埭亦使民敬使民夔

築新城

新亭之發因權臣新城之築逃讒人桓征西公能制會稽王  
公亦避幸哉太歲逢白雞移疾得自新城歸忠信見疑勢已  
殆晉室長城那不壞

開南門

開南門其主王去聲南門旣開國乃喪沈車騎提兵來外城小  
城門盡開斬王頭送建業城中萬姓皆流血京觀築鬼夜啼  
蕪城一賦千秋悲嗟哉宋社亦將屋南樓妖夢草中蕭

車中閉

揚州作貴人閉置車帷中乃與三日新婦同作新婦只三日  
作貴人長邑邑貴人底事能快意豈在車帷閉不開爭如驢  
馬逐黃獐身雖不貴氣得揚君不見轅下駒傷局促何由一  
騁追風足

五司徒

英顯五司徒茅許祝蔣吳異姓兄弟今所無生能殺虎死殺  
賊與木居士應懸殊祠左有祠祀五烈裙釵亦自著奇節兩  
間正氣無時絕

螺子黛

殿腳女長蛾絲螺子黛日五斛吳絳仙螺黛妍畫眉獨得君  
王憐迷樓春夢何不醒隔江便有胭脂井

昇大秤

昇大秤何爲者生女作昭容當稱量天下叅決萬機總百職  
中書目下斜封勅豈獨昆明珠文士借顏色大秤稱量果如  
此宰相學士應羞死唐宮妃后千古無君不見金輪皇帝亦  
女子

跨木鶴

迎仙樓延和閣着羽衣跨木鶴桐人荷校中堂裏鶴縱欲飛  
飛不起鶴不飛可奈何昇將軍來張羅畢將軍亦可憐軍中  
早有王奉仙

黑雲都

黑雲都五千人阜衣裳甲屯長雲雄名不減雅兒軍雁子都  
自北至黑雲都氣益銳長劍橫飛二千里宏農三王後一帝

丹楊宮爐擲地黑雲長劍何不利

檀來也

檀來也可若何小兒拍手攔街歌不爲建春門外豈有人來  
開老鸛河

金帶圍

金帶圍花四枝一花一相事絕奇  
八徒富貴花開花落無人記

傳花宴

萬花會蘇公止傳花宴醉翁啓醉翁宴客民皆喜民所不喜  
翁亦已君不聞唐時太守空陳迹爭春館前花歎息

紅襖軍

紅襖軍白袍將李鐵槍稱勇壯楊姐姐李姑姑梨花槍天下

無南來便得高官職夫婦一生工作賊養癰者誰史相國制  
司庸奴那暇責時無二趙來維揚金甲安得埋新塘獨不見  
侯景降梁終滅梁

樹中字

柳葉蟲文與漢宣樹中有字寧偶然天教丞相脫虎口又使  
制司逼公走事機一失中興難金枝玉葉俱摧殘樹中字曰  
天下趙天意茫茫那可曉

詔諭降

詔守城臣所聞詔諭降詔可焚問臣爲誰守不爲瀛國公不  
爲謝太后一旅中興古亦有諸帝諸王尚有後同守城者皆  
宋民城中食盡無降人可憐東赴益王名朱煥迎降乃奉詔

葬匏笏

朝行馬阮鎮有高劉公乎焉能守揚州小東門不得出梅花  
嶺葬袍笏青山何處理公骨文信國公前身葬公側者皆忠  
臣李少保姜都統莫話當年亡國痛明人之慘甚於宋

吳金朗甫庶常

式玉

綺花眞上大羅天謫住人間廿七年離夢尚飛燕市月歸魂  
已化越溪煙酒邊啼淚沾衣在身外榮名入手捐同社羣賢  
都後死序詩應有杜樊川



青芝山館詩集卷第十四

臨川 樂 鈞 元淑

古今體詩

壬戌下

雜咏十一首

晚虹

一雨忽復歇扶桑晚挂弓雲容猶在下  
日氣偶迴東似蹇長  
空外輝煌暮靄中垂頭休飲澗早魁正蟲蟲

水禽

無意爭雲路將心寄水鄉  
忘機常獨立避害亦高翔  
鷺鳴分萍藻魚蝦作稻梁  
荷花淡處宿自覺羽毛香

歸樵

樵子何蕭散負薪來翠微空林無日影前路有煙霏笑客爭  
溪渡逢漁話釣磯殘棋看不了羨爾早知歸

聞鐘

望喧各已寂青簾鐘鳴林際有何寺日中無此聲高吟和  
月苦殘夢入風驚始信愁心遠旁人聽不明

古戍

斥候何年置樓傾壘尚高荒煙沈鼓角破壁畫弓刀馬久防  
秋苑狐常近夜嗥遙憐征戰日烽火照亭皋

漁火

夜氣莽寥闊星河秋影寒空江漁火出野岸客愁看映水光  
明滅鳴榔聲渺漫此心堪共照歸辦釣魚竿

水花

顏色甚榮豔其如開碧流娉婷空對影零亂不成秋洛女臨風怨湘纍隔浦愁托根豈無地宿莽遍中洲

枇杷

枇杷有佳實磊磊耀黃金梅雨淋漓在麥天滋養淡芳蕤曾鬥雪翠扇亦交陰投核湘簾外驚飛啄木禽

山燒

山色經秋變還遭野火燒亂紅爭落照餘焰薄層霄又比雪霜烈應緣狐兔驕青樵采路明日更蕭條

昏鏡

信是金精丸非關屢照疲盤龍空隱壁老魅欲窺帷面目嗟誰在容華黯自知可憐天際月亦有減光時

賈客

賈客操奇術封侯未足論金錢通郡國鹽鐵付兒孫用侈家  
逾富財雄身乃尊農夫非不貴憔悴為癯殮

寄題澗州甘露寺

江山尺寸英雄爭勝處乃歸雲水僧琳宮紺宇越千載下關  
雪浪長崩騰創始云自吳甘露紀年祥瑞開金繩黃旗青蓋  
盡妖識蔣陵滴水何足憑很石如羊叱不起獨以諸葛畱名  
稱謝公軍庫又積壤蕭郎來此叅三乘鐵鑊飯僧飽欲死荷  
荷卻向臺城崩當時萬馬蹂城郭寧有金雀棲瓠棧唐家刺  
史嗟舍利更令寶刹規模增金棺竹杖渺何許東瑜上鎖雲  
千層澗州自古筦鑰地南宋此郡尤股肱孤忠夜竄最慘惻  
呼船寺下無人膺人事百變世屢易照殘佛殿長明燈幽靈  
酌月亭下語霹靂取龍檐際升即茲秘怪足歎詫焉用慷慨

談屢興扁舟記過北固下仰聞鐘鼓心飄凌塵蹤苦與淨境  
隔北軒闌檻無山凭想見秋空海氣白廣陵櫺席連金陵空  
門豈復論形勢遊人賦客偏誇矜前代故宮總禾黍幾家甲  
第傳雲祲乃知無主物常在精藍照耀高峻嶒

史恒齋廣文將歸興化官署以詩畱別洲而送之

金石論交久江湖相見疎暫歡心轉戚重別語無餘散客容  
耽酒閒官好著書君歸秋亦老紅葉滿前除

燈檠

故物燈檠在相隨照眼青蟲飛秋漸少鼠踏夢頻醒曲柄纏  
煙穗圓槃爆火星孤吟還淚落對影憶元亭

平山堂秋望

一堂收盡隔江山三楚雲煙蒼蒨間秋日登樓堂初有心獨  
不遠樓心獨

遠晚風吹袂客俱還蕭疎木葉猶遮眼爛漫花枝合破顏況  
有醉翁爲地主莫因重九憶鄉關

觀音山人言是迷樓故址

舊日迷仙處今朝選佛場阿麼真是誤亾國在他鄉

湖上秋夜聽雨作

秋湖空泛木蘭橈秋物秋心兩寂寥倚酒消愁原自誤看花  
如夢轉無聊雲低欲壓歌聲斷風冷難禁燭影搖已是敗荷  
衰柳口不堪秋雨又瀟瀟

許榕皋甫士孝廉昆季出都歸杭州晤於邗上耳得  
蔡澆霞儀部手書卽日湖上話別爲詩送之兼寄澆

霞都中

明來兼得故人書客子愁心斬破除使與看花同爛漫那知

經雨更蕭疎遊蹤空寄西風裏別恨翻添落照餘越水燕山  
各千里夢中何處覓舟車

九日荅賓谷都轉兼呈同舍諸公

日日悲秋秋已淡愁逢佳節倍難禁江風總斷還鄉夢庭菊  
應憐出世心東閣貴遊聯棨戟南山歌女侍綬簪使君獨抱  
書生病野鳥寒窗共苦吟

寄贈沈霞

前年聞君名馨如兜末香今年識君面耀若長庚苾近日得  
君書開緘淚千行離別生死間掩抑心痛傷餘語及文字自  
謂多悲涼謂我實哀豪雖愧敢不獲君具甘露頂早分權燭  
光曩絡藻繪府玉軼驂龍翔卽今未三十著作充縹囊世俗  
競浮豔悍優而色偶或則工諧媚雅拜衣冠場此曹得狡逞

斯道何由昌，杞樹骨幹不爭花草芳。蜀錦被牆屋華飾，故  
不長君心，獨紆鬱才識。誠難量，不問豐山鐘一鳴，天隕霜，援  
琴奏清角，風雨喧雷，鬼神不虛泣。與人相激昂，區區意頗  
在。老大嗟，續唐因君風，旨合聊發平生狂。苦憶在都日，居鄰  
宣武坊，同遊數君子。毛羽皆鳳皇，醉書酒家壁，高吟僧寺廊。  
踏月五凌亂，倚花同慷慨。晝每踐君席，夜或登我牀。意氣雜  
悲樂，歌哭曾不常。文字雖結習，論難翻未遑。交態有如此，誰  
能暫遺忘。顧風吹野雲，頃刻散八方。余亦向南國，留者金甫  
應與楊員外朗甫又告逝，聞訃摧肝腸。君書述哀感，我涕還  
江浪。靜言論時運，江海浮舟航。濟溺俱所有，涯涘終茫茫。淮  
南風景地，梧葉今已黃。猶戀故人義，未似游子裘。寸衷縈萬  
緒，尺牋焉可詳。願爲燕山雪，因風落君旁。弦韋贊高胡，雲龍



送韓張一生共策勵千秋高韻頌

秋陰曲

日色荒荒雨氣薄冷雲不動沈高閣菊花畏霜寒不聞梧葉  
凝煙溼欲落虛窗人影晝迷冥歸雅愁暮過無聲更知今夜  
將圓月倚遍闌干看不明

寶谷都轉勘災海州寄示酬蘭雪病中論詩畱別之  
作末章惠及次韻卻寄

讀書豈爲注魚蠹要入煙雲變化中歲日怱怱皆旅客乾坤  
落落幾詩翁霜鴻得伴秋橫水鐵馬驚寒夜嘯風吐盡肝腸  
應不悔後人端自識揚雄

君憐病鶴寫秋聲更念棲鳥繞樹鳴韓孟窮通能竝世王盧  
前後愧齊名才隨瓜步江湖退夢似雲臺海月生雲臺山在海州苦

爲論詩相憶切人間萬事羽毛輕

秋澤行

雨師河伯仇蒸黎昨漂燕薊今徐邴秋霖橫溢呂梁球濁浪  
 倒傾崑崙池圮橋洶洶遂湮沒黃樓岌岌難榜楫那及乘舟  
 置竹落誰能沈馬當金隄萬民僅免爲魚鼈百里坐看埋沙  
 泥黃河雨漲尚可說新城水災尤絕奇中宵發屋下雷電聲  
 地激水騰蛟螭黎川一霎通皓旰孔氏千家無子遺浮屍相  
 逐去漫森暴物所過俱傷夷西江地瘠困苦旱列郡蔬藪方  
 愁飢報荒幸蒙大吏恤蠲賦上荷

皇仁慈水族何緣復肆虐窮鄉大厄嗟重罹瓠子雖决勢猶  
 緩支祁不鑠憂無時上帝實制羣生命何人走訴天神知下  
 遣佽飛提劍斬或令董奉疏符治寧風怪雨法不發有霖水

龍功得施稍爲災黔雪冤憤永令澤國無顛危

題襟節舊蓄一鵝鶴獨能呼余別字頃問鳥所在或曰亾矣感而爲詩

怪來山鳥解呼名萬物相逢盡有情重向雕籠問消息暮雅  
長雀送秋聲

九月向盡始見菊花作二絕句

菊花如病客高臥掩柴門偶爲故人出憐然對酒尊  
菊花如靜女不字無人知強被西風嫁含愁懶畫眉

送吳退庵孝廉歸南城兼寄白庵廣文大庾

黃雞太歲騰雙鳳君鷹鄉舉弟鄉貢搶榆鳩鷄亦隨飛回首  
雲程俱一夢逢君令弟東湖陰雨樓霜院同高吟紙上煙痕  
又陳迹義輪一瞥馳駸駸識君苦遲君白首論心黯對前春

酒風聞豪氣凌飛霞此日尊前那復有一第艱難老孟郊如  
 今千里思衡茅我有遐心已十載蹉跎空受山林嘲西風吹  
 盡梧桐葉羨君將擊渡江楫夜淡苦語不堪聞更遺新詩動  
 愁絕歸看紅泉眼自新可憐都負少年身煩君摘我傷心句  
 寄與梅花嶺下人

題文信國與吳新溪先生手札卷後

札已失去北平

蔡文山筆意為之第一札云天神皇恐頓首申稟府  
 對神會那中台在前天宮於鄉間修能蓋富羅而  
 致之不可得已屬白所行求能給備餉不絕糧道者  
 足下慨然為我任之師次於世焉華書完筆益知何  
 器發爾小試仰別時方艱難與同力濟此事自安  
 仁作分之頃呈下以亦言之不難馬幣具之伴箋漏  
 介奉選式通其至縣風傾倚幾台祭第風云八  
 月崇日起居復朝請郎江西官換高使文下至子天  
 鮮信日官會香祥貫充發器官自五百貫充大那不  
 鄒喜酌爰戾其驥幸甚第三札云天神又申稟所權  
 未費大監已肯為轉籍但要來至都方可今來免委  
 重於督事得沐處置幸甚公文已為就土依乞台照

天祥拜稟 宋禮部郎中鄧光薦續宋書文丞相附  
傳云吳名揚字叔瞻金谿人丞相起兵踴躍赴義率  
巨室積錢粟備軍需意甚感激傾動一時 薛麟兵部  
架閣文公室坑之敗浮沈鄉里計今尚存 先生裔  
孫嵩梁補撰家傳其畧云公宋景定甲子舉鄉貢進  
士咸淳辛未擢第授吉州永豐縣尉德祐乙亥丞相  
文公辟署府尉帥僉郎中次年奏補江西制幹廉禮  
兵部架閣僉丞相幕府軍事空坑既敗文公馳檄書  
屬賓僚各護部曲以歸公由是遂不復出元初詔求  
遺逸御史程鉅夫特以公薦公報書峻辭乃免今載  
家集中居恒奉文公畫像嚴對終日出所貽手書展  
觀往往流涕自以佳復之功不就孤忠積憤無由發  
慮因宋末遺事著野史若干卷沒之日先命酌酒  
與家人別危坐大書曰我不佞佛亦不事仙死生晝  
夜此理自然其過化者燭中之燄其存神者明月之  
在天擲筆遂瞑 按三札云蓋文公宜撫江西時  
所與後以丞相督師再出 江西先生乃復入其幕也

豪傑盡充宜撫幕饋餉獨資吳架閣文公三札推赤心想見  
忠懷兼偉略永豐縣尉官雖卑身與君相同安危辭家走應  
勤王詔手擐元帥軍門旗臨安既被江淮裂閩粵間關糧道

絕勸輸錢粟濟軍需餓卒羸兵皆飲血蠟書一夜來恩恩西  
江義旅成沙蟲斗大乾坤寄海角夢魂猶逐西南風趙家塊  
肉崖山盡三載還問柴市信湧淚焚香對手書孤蓬從此難  
重振野史遺編世莫傳知爲舊事傷殘年易簣大書投筆去  
化爲明月懸中天麻衣人賣橋亭卜月泉吟客西臺哭先生  
心跡同一時金匱何緣失紀錄家乘猶鐫卻聘書更叅鄧傳  
平生符我望梓桑遙下拜青原雲氣接香蘇

青原山在吉安府治東南香蘇

山在先生所居新

田里今隸東鄉

### 感興

不憚開盡木蓮遲應節黃花也後時枯坐自尋排悶法苦吟  
終少必傳詩鄉書久斷愁翻減學業難成病始知感愧故人  
相念切寒風吹夢遍天涯

得廉山流霞甫士祁生手書  
庶知笑初孟蕊小竹消息

送秋詩六首

少日忘時運中年愁遂深春歸如失路秋去更傷心  
綴露蟲絲絕當風雀舌禁始憐霜降日衰柳是濃陰

蝶與花同盡螢無草不棲飄零心自死憔悴數原齊  
埽徑空煙動巡檐瘦日低衣裳未全薄人影各淒淒

近憶追遊地荷香復桂叢熱雲蟬響外涼雨燕飛中  
絲竹隨時滅亭臺向晚空狂飈今最烈吹盡錦西風

丹鳥愁因去青松傲亦寒應時無節物司令到冬官  
水冷磔聲斷山枯燒色寬紗籠盆菊在畱意百回看

歲序原如此身經獨奈何頑陰連海合寒色過江多  
冰雪行侵窘羲娥况擲梭羣鴉渾未悟依舊噪庭柯

寒井何堪賦春窗倍可思無花心亦麗欲雨夢先滋  
舊境都

荒寂殘年費轉移誰吹鄒衍律立返豔陽時

寄胡果泉觀察潮州三首

君時以公累被議奉旨革職暫任

宦轍蠻山險

君恩大海寬

宣猷還報國失職未休官酒

記論心醉書難促膝看幾回知己淚飄入嶺雲寒

聞道羅浮麓探丸聚莠民摧枯君易事滋蔓彼何人野戍秋

來火山城戰後塵艱危非一狀休告白頭親

往歲珠江別相持痛哭行再來何日事歸隱故人情窮達皆

同病浮沈過此生閒身猶未得作賦在蕪城

寄托敘齋總戎潮州二十韻

山隔雙旌遠

韓山一名雙旌山

江浮一葉回風流揮扇在歲月轉輪

催暫返陳陶宅旋遊郭隗臺三年離海曲獨客滯淮隈往者

朋簪盍常叨使節陪深情淪水石高論過雲雷遂忘巾衫賤



還振氣岸頽立身猶闖茸搔首重徘徊近日傳軍報炎荒起  
盜魁麗譙驚鶴列外旆躍龍媒正倚珠鈴用遙知玉帳開兵  
皆由訓練寇必早奔摧隴蜀烽仍息洪筠旱又災宸衷方  
軫念民命絕堪哀秋盡天無雨風多硯有埃梓桑勞夢寐松  
菊望歸來撫事虛琴薦謀生爲酒杯并慙漁獵手都仗鼎鐘  
才世路波同險名心燭共灰歲寒空感舊愁問嶺頭梅

聞伊墨卿太守罷官猶在惠州作詩寄之

至計休官好閒遊復浪吟獨憐貧徹骨兼有事驚心

時聞博羅民變

身詣張嬰壘家餘趙抃琴松風亭外月回首但寒陰

贈陳曼生大令

鴻壽

卽送之官粵東

與君始相見風岸何軒昂  
寂中發靜氣藹若芝蘭香  
是夕華燈宴東閣觥籌未散  
催寒柝送君歸臥對山樓  
夢看城南霜

月落見君之面已如此促坐論心更心喜惜君正躡雙飛鳧  
明日分攜卽千里應璩不入承明廡時苗卻乘薄輦車鸞鳳  
坐看棲枳棘況乃蠻府吟姬隔海濱是我舊遊地殊風悍俗  
差能記撫字雖勞慈惠師催科亦要神明吏知君落落端貳  
才牛刀一割何有哉南方草木待春雨還有白雀天邊來五  
羊九壘多奇迹暇日仍堪供博識贈此長歌訂石交紙尾印  
文君所刻

眞州冶山

東山之府海陵倉天子之富輸吳王海已煮鹽山復冶寡人  
金錢遍天下一朝出賞諸侯軍得漢將者金千斤高皇言若  
有反相東南亂果由斯人須臾軍敗錢無力頭顱一錢曾不  
直冶山金氣亦消沈鑪鑄將軍空廟食吁嗟乎漢初封建本

踰制孝文錢法尤滋弊驕橫由來因富強何況姦雄似老滬  
當時賈生會上書能致七福真良圖兵革縱橫刑獄擾狗財  
而死悲貪夫後來善制惟五銖復置平準行均輸火德中衰  
卯金變貨泉幸應真人符黃牛白腹終炎祚銅人銅馬皆充  
鑄漢家最重言利臣治亂往往關錢神錢常爲災鮮爲德小  
者殺身大亾國君不見同時鄧通卒誰死豈能與人同作賊  
傳疑更有兩銅山山山木石徒堅頑行人試上山顛望江水  
茫茫去不還

訓方子雲秀才

正湖

吳會詩編君第一月彩星亾人君筆三唐佳句連篇逢一句

使人思十日當時楚帥羅英才

畢秋帆尚書會刻吳會英才集皆幕中士也君詩冠卷首

手披南岳秋雲開中台既拆長庚暗嗟君窮老遊江淮平山

堂下始相見淮冷江空時節變傳花猶繼舊風流

謂賓谷寒都轉

菊千瓶對高宴梅花外史君故人

吳白庵廣文

言君豪放曾無倫

座燒龍腦俱談客庖廚每日餘羞珍卽今意氣成消滅白雪

垂顛霧滿眼只餘吟興尚飛騰墨汁如雲噴青簡聞君喪偶

亾兒孫身外但有詩名存定能不朽復何恨請君勉強親壺

樽感君贈句酬君意飽讀君詩更沈醉由來壯士多窮途獨

爲歲晏傷憔悴君不見朔風昨夜排窗至我詩正帶冰霜氣

喜劉芙初陸祁生兩孝廉至

凍合江雲歸夢遲故人來共倒深卮總因地主投醪義重得

天涯痛飲時樓月畏霜寒易落窗風帶雨溼猶吹更愁雪盛

春無力淚灑梅花一萬枝

題謝皋羽晞髮集後

嚴瀨風清午，晒餘江流緩。處隔桐廬鷓鴣，爭得比鷗鷺。總爲打魚人捕魚。

冬暝如春露，不霜水天凝。霧夜茫茫灘聲一片，無尋處。明月西頭是故鄉。

片帆羣雁共爭飛，岸去山來樹影微。莫訝舟輕如一葉，它鄉只載臘寒歸。

歸岸人家臘鼓催，故園應少未開梅。年年看盡它鄉月，又是當頭十二回。

玉山道中和汪小竹

全德

明經題壁三首時小竹覲

親百色經此所題也

汪倫從此去，余亦駐征車。作客都無賴，吟詩畧自如。前程愁雨雪，邊瘴斷音書。旅壁塵封字，何人更識渠。

碧玉灘江水遙通八渡流長鳴依老鳳分食奉慈鳩政有庭  
闈樂應忘館驛愁從來遊子意憔悴不關秋

白雨揚州別湖山樂漸稀懷人傷菡萏買笑失薔薇露燥鳴  
蟬寂風嚴宿雁歸旗亭今日路裘馬讓輕肥

雪霽上岸意甚得遇邨店遂買酒獨飲

窮冬佳日少況復興佳時老翠還松葉新晴見酒旗狂歌邨  
女笑野色醉人知岸幘看溪鳥忘機爾似誰

水碓

四大本空寂二曜相推遷江鄉作水碓人工巧於天一輪自  
斡運衆杵成牽連盛夏濺飛雪高空瀉懸泉勢挾遠山動聲  
與晴雷喧金衢上灘路玉山下瀨船衝奔苦難進擾蹶常無  
眠伊誰始此制厥用良最便春揄役既免灌漑利亦專惜哉

地力薄時邁天灾偏今秋旱千里斗米論百錢倉庾鮮積粟  
甯銚多無煙此器半虛設激水空迴旋勞勞抱甕叟斤斤賃  
春賢勤惰同一報巧拙徒相懸

哭三兒少莊五首

汝生一歲半余自南中還門內咸賀我謂汝良不頑五歲讀  
儀禮日受數百言夜誦唐人詩脫口能迴環使汝得長成當  
冠儒者冠意氣又岸異不與羣兒班語笑雜癡點聽者常解  
顏余每遠行歸隨兄迎門闌今歸汝不見心驚如轉丸遲迴  
欲有問吾母已汝瀾汝母避我泣恐我摧肺肝

葬汝宜下殤桐棺代瓦望汝母痛莫伸過禮豈所惜汝依先  
人兆墳土高一尺石碑雖無字歲久當可識汝飲能一升與  
父有同癖汝母節制之杯盡不求益今我酌汝酒不復汝過

抑汎濫滿墳頭曾不嘗涓滴

少林汝仲兒四齡已摧折生死吾未見歛若中夜雪棠妮汝  
長姊周歲與我訣我時將遠遊有哀亦能節此外凡三男未  
產墮骨血汝母或含悲我視等灰滅獨汝我所憐見汝輒怡  
悅祖母更憐汝不與諸孫埒寢必攜汝俱食必共汝咽汝去  
終不還悲痛安可說

少華汝孟兒課汝勤誦讀畏兒逾畏我盡日坐家塾歸來索  
餅餌背誦如撒菽我心喜且愁消汝恐無福不意終賺吾年  
命相催促見汝讀殘書不忍手翻覆汝師亦汝憐聞之當慟  
哭

福用而慧根相兼固相妨我躬矧德薄焉能壽汝殤旁觀昧  
斯故頗訝天落落謂汝有如此我宗由汝昌謂我久失志勞



瘁惟汝償胡爲生七齡一夕竟天人寧知造化理百變乃其  
常我蒙二親福年已三十強孝行百有闕鞠子終何望感愧  
焉人言隱念默自傷

九齡女 井序

九齡女事余已具之別錄其歸亦開十四年比者記憶及  
之追作此篇用勸薄俗俟秉筆者采焉

煢煢九齡女饒氏生東鄉隨母寄空廡貧薄無完裳手持綠  
竹杖節節堅且蒼晝拾山中槁夜燕神前香媒人來致詞許  
字田舍郎年紀方十齡作配殊相當郎家致聘禮果核盈筐  
筐生豚束兩肩鵝鴨鳴雙雙姓名紅紙書書詞吉以昌一朝  
催懲罪赭衣成咸陽生還了未必婚娶焉可望翁媪遺媒來  
親事當分張母意甚喜惟自許無商量女初聞此言大哭投

母牀宛轉竟尉力誓言決肝腸前盟出母口母心豈遺忘廟  
中神實聞違神終不祥兒年雖幼稚兒心豈無良兒身已許  
人兒命豈獨生十齡能遠成九齡胡難行喃喃梁間燕出入  
必雙翔喔喔籬下雞步步相隨將願母聽兒去生死俱尋常  
同去竟同歸閭里生輝光釵鈿耀金翠衣履鮮紅黃鬢髻特  
新異云是關中妝親戚走相賀糖酒牽白羊問女別後事語  
發涕淋漓答兒別家日同郎登縣堂縣官問何人兒聲不敢  
揚人言是郎婦縣官爲驚惶同郎就長道觀者塞路旁知兒  
是郎婦歎息還悽愴驚風動楚竹白日低秦桑始識道路遠  
時時呼阿孃同郎至戍所百事難具詳地有終南山九夏餘  
冰霜黃河自西至東去無還聲居人殊語言風土兼蒙強身  
是罪人孛叢中獨摧藏同郎事生理辛苦靡不嘗經紀過十

年始得充衣履舊時破裙襦畱在黃竹箱上有啼哭痕歲久  
猶分明棄母從郎來傍義良獨輕故鄉渺何許思母心痛傷  
呈思忽放赦同郎理還裝替爲叩與駟今爲鴛與央膝前有  
男兒如我去時長揩眼入里門風景皆迷茫兒母不相識何  
况兒姑嫜厝前枯樹下是兒嬉戲場枯樹尚可見人生何太  
忙

青芝山館詩集卷第十五

臨川樂鈞元淑

古今體詩

癸亥

觀音土行

豐年無錢人食苦凶年無錢人食土和糠作餅菜作羹充腸  
不及官倉鼠此土尋常會不生飢人競以觀音名云是菩薩  
所潛賜楊枝灑地甘如餲吁嗟乎富家有土連郊坵富家有  
米如坻京米價日昂不啻糶坐視餓殍填溝塍此土幸出觀  
音力不費一錢能飽食救荒已賴佛慈悲莫向富翁苦啾唧

自玉山至常山雨中作

盡日趁風雨浮生如此忙  
衣濡透骨邨酒薄如漿  
鳥避林

煙穩山連雲氣長歸程不堪受況是往他鄉

常山登舟至杭州

西風駕奔激兩日六百里頗疑趁行雲不謂任流水去岸馳  
絕蹄來繞過飛矢時訝遠峯變但見陽輪止胥濤引船頭巖  
瀨瀉舵尾去家恒恐遙赴程乃願駛吳山青可染淮樹綠如  
洗天氣方清和地主正翹跂淡媿田舍翁亦讓膏粱子百年  
無遲速一身忘遠邇

五月十四夜與芙初待月作

亂雲薄可掃昏月三更明炎節成涼夜君懷共我清乾坤雙  
眼白身世一毛輕螢火光微細無妨暗處生

擬棗下何纂纂

天地有窮運物生殊未知當其發宜日謂是盛榮時征夫未

云去居人已銜悲琴瑟故在御音聲含別離棗下何纂纂竹  
竿何宛宛墻陰綠葉稀庭下蒼苔滿

楊忠愍公名印歌爲顏心齋大令作

太虛之氣大且剛史策之名久益香當時肘後無大印感恩  
報國兵曹郎賊鸞幸敗賊嵩起盜用秦家傳國璽五姦十罪  
天下知元凶無恙諫臣死應生碧血藏三年西曹榆樹無飛  
錢朱丹黯慘石一寸四角尚有蛟龍纏篆刻端嚴絕姿媚不  
與冰山同破碎精芒淪入書畫船志士摩挲爲墮淚吁嗟乎  
天道是非何可論市曹詔獄多忠魂空使姓名照日月誰能  
氣數迴乾坤

悼硯 并序

硯爲端溪紫石肖蒲桃形曰蒲桃硯丁巳秋購自南海市

故人胡果泉觀察見而愛之以琴一劍一易去余自疑於  
貧他日復得一硯質較良因贈之果泉笑曰是我貧也仍  
歸余前硯頃攜來揚州爲鈔否蹉跌以碎情不能置不直  
爲硯云爾聞果泉將移官粵西若有使郵者當以此詩寄  
之

壁碎千金亦偶然難忘離合舊因緣還將宿墨修書信寄向  
炎風瘴雨邊

怨女吟

女伴誇絕色蕭郎曾未聞蕭郎殊可憐閨帷無所親金釵各  
姿媚宛如行路人賤妾慕風貌含情初莫申自信媚媚子無  
嫌青星身郎意乃疎忽了不通殷勤惜無裙見綠見妾宜不  
啻郎今既遲莫妾亦孤青春仰首望秋月終夜依浮雲閉影

修竹中長束青練裙儻作他人婦白髮羞東鄰

寂寂一首荅芙初兼呈賓谷都轉

寂寂軒窗頻入夜疎疎花草又當秋繁星亂出殘雲外獨鳥  
涼棲古樹頭有客悲吟憑短榻何人放眼在高樓十年無限  
傷心處更着江南一段愁

七夕寄內

愁絕黃淮漲鄉關隔大江生辰君七夕客夢我孤窗酒病醫  
難減心兵戰未降萬星都慘淡斗女忍成雙

題柳子厚乞巧圖

死向羅池作水神愚溪名字累君身天孫賜巧須兒女肯念  
人間蟻蝨臣

松壑浣雲圖爲萬浣雲孝廉題



前年同醉東湖月一片寒雲捲秋雪去年同踏東華塵炎雲  
萬壘高嶙峋空山卻是雲多處山人自與雲同住朝看雲出  
暮雲歸俗客欲來總迷路十年此願不得償山雲疑我前盟  
忘自笑一身尚韋布徒被塵土沾衣裳君才合是青霄客手  
擎卿雲成五色願酌天河瀉斗杓且佐龍公布膏澤君家阿  
叔正飛鳧廉山往日爲君圖此圖煩君共訂他年約歸向雲  
林訪敝廬

秋蟲歎和芙初

秋氣日以淡秋草行盡萎秋蟲乃先覺唧唧鳴前墀爾身至  
微細生理焉是悲草根漬涼露感咽不自持修梧墜槁葉有  
鳥棲其枝中夜無所往時遠空簷飛造物既分置志念誰能  
施飛蝗遍野木盡仍苦飢羣生各有營四氣各有時明年

春草生飄零俱不知

寄史恒齋學博興化

昨夜懷君燼淚乾青楓一夢小團欒琴書眷屬千年在花藥  
生涯十畝寬洪澤雨多秋漲闊蜀岡風緊暮林寒衣裳典盡  
還賒酒消得清貧是冷官

熊介茲儀部

方受

奉諱還永康過邗上承惠二律作

短句送之

倦遊已十稔京華曾比鄰結交出肝膽期我早致身尺蠖甘  
屈縮虬龍難與仲翩然謝王公歸釣滄江雲人事梗素計重  
躡長安塵入關訪舊侶知君遊八閩故宅掩斜日每過畱車  
輪有詩欲遠寄忽逢淮水濱麻衣漬炎汗桂嶺愁嶙峋君本  
仙掖客移作容臺春秉筆佐樞要振珮聯星辰慈闈不待養

奉觀傷羈貧人生履勞苦豈不爲君親傳聞滇粵區蠢動餘  
妖民君鄉實接壤形勢當能陳願君早還闕中贊諸侯軍英  
謀樹偉績上擬韓范倫野人在邱壑記載酬名臣

蟋蟀

蟋蟀伏草閒形聲極微細主人蓄養置牙籠張喙昂須矜勇  
氣白牙青耶拖肚黃錦蓑衣耶金帶裝武於螳螂捷於蚤意  
謂百蟲輸爾強丹雞朱朱行且啄石縫籬根恣搜索爾當此  
時須避藏一入雞腸難縱躍

奉寄座主陳夢湖先生和州二首

正爲先生廢蓼莪更橫雄劍一悲歌狐狸夜嘯荒庭月蛟蜃  
時生大澤波少俾西來羣草變佳君南望散雲多可能不負  
憐才意擬任蓬心向薜蘿

晴雨相尋總是秋秋來頻上望江樓淡知吳楚同天氣直恐  
金焦人海流仙螯一生餐汗簡神鼇終古戴瀛洲歷陽郡郭  
佳山水願乞圖經作臥遊

先生著有歷陽  
典錄將付刻也

詠秋葵

開在秋風裏猶傾向日心黃先籬菊淡青出徑蒿淡一幹高  
如此孤花倦不禁爲誰側金盞聊發醉時吟

竹醉日作

曾取齊民要術看道宜今日種琅玕根無地商量久抱節  
如君位置難高士自耽千日醉何人爲報四時安秋來莫放  
凌雲氣檐外西風徹骨寒

自題青芝山館詩集後呈曾賓谷都轉乞序

弱冠慕仙質玉珮驂鸞皇一身墮人海幾學時世妝三十遊

嶺外萬緒纏悲涼滄波蕩胷臆無力追混茫殷然抱筆硯重  
登君子堂接席傾餘論河伯驚望洋賦韻不得逃頑鐵當干  
將甚欲捐故技器劣難爲良維君布鐵網遍收珊瑚光維君  
握冰鏡四照窮豪忒宜聲起百蠻噓氣填八荒羣才得顧盼  
冠履皆輝煌大雅簪淪喪 熙朝斯道昌天孫乃恃巧七襄  
不成章麻姑更狡獪丹砂戲米囊天馬志千里恥與鴛駘驥  
雲鶴或悲鳴豈曰非吉祥微尚稍有合苦意曾莫償時節日  
以邁元鬢沾秋霜榮名不復希偉業更何望泯焉比草木念  
至心摧傷四載食高義郵困矜愚狂江湖志少宅嘯歌無所  
妨漬染日旣淡采采成青黃願言脩駘駘畢力翰墨場興懷  
望古簪賢哲爭縑緗握管億萬輩幾人垂琳瑯力能撼嵩華  
塊石不得將神能燭日月名與幽碣藏悲哉寂寞士怨魄啼

寒蛩鈴鐸不自響風力爲之揚  
矣思乞真詰爲我長生方餘  
事總塵土焉足置我腸

中秋酒後月色甚異漫成十六韻

江水連宵白天河八月乾  
重昏開鵲鏡一碧瀉蟾盤  
北斗渾元氣東雲墮海瀾  
遠餘星落落清覺露溥溥  
叢桂方榮盛修梧漸老殘  
螢光飄屋角烏影拂樓欄  
夜色瑤臺淨秋聲畫鼓寒  
酒酣燈欲語人靜劍堪彈  
玉宇三霄近金沙十界寬  
風邊誰弄笛月下似鳴鸞  
洲島紛游戲神仙固職官  
幔亭原會少銀漢亦宵闌  
幻境橋橫杖流光秬落丸  
陰晴同畛域頑秀各悲歡  
賦許長門買書畱太乙觀  
不須論節序今古浩漫漫

夢食鮮荔支又夢見千里馬各以一詩記之

荔支三百顆曾記嶺南香  
醉倩蠻姬剝饑先粵客嘗  
頻年思

海樹一夢嘯雲槩誰附凱旋騎封題遠寄將

駿骨何曾朽嘶風入夢中神行原恍惚皮相益矇矓草說芝  
田茂花憐杏苑空借騎聊一聘檐缺已丁東

美初暫還錫山踰期不至作詩憶之用梅宛陵五仄

體

一別已十日好月夜夜冷獨飲不得醉舉盞勸竹影

贈王揚甫國博

邑孫

松檜久奇鬱雲月相孤高友君一何晚十載心神勞管我滯  
京國鵬詠羅賢豪曠論當世英紛紜雜譏褒惟君愜眾望白  
日懸朱旄言君志絕學上與前哲遊卓筆睨羣士微末如秋  
毫氣節又犖嶙傲骨橫在腰公卿或下拜平視不自逃特立  
信可恃聲譽騰雲霄前年渡揚子幸結金石交駭讀班韓作

弱管不得操韻語況雄奧往往無朋曹任筆兼沈詩在古常  
寥寥珠璧重隋楚得一皆可驕時趨恒苦卑遺醴爭餽糟涓  
滴附江海播越爲波濤賤子忘鄙劣抗念希風騷若持五尺  
竿欲釣三山鼇曠蕩靡所得身事嗟牛毛

芙初踰期不至虞其病也詩以訊之

颯颯江風羽扇飄故人期約信如潮未聞十日傷霖雨空使  
三秋賦葛蕭燕委殘泥溷廣廈烏啼冷月過疎寮淮南叢桂  
今零落歸去王孫不可招

林下二髯圖歌爲萬梅臯刺史丈作

西山長雲帶江郭飛下青田雙白鶴羽衣丹頂御天風不與  
凡禽同飲啄南昌仙人身似之少年振翮翔天池文章上奪  
曉霞色骨幹橫出春松枝謫向滄洲稱傲吏廉泉甘受飛塵



澤帝知冤獄沛殊恩天與畸人伸俠氣歸來長嘯東湖濱  
穠花密竹清無塵手按藏書一萬卷心憐窮士三千人一門  
才傑比龍鳳更有堦篔吹伯仲陸弟常懷東隱居謝公每得  
西堂夢科名官職舊聯翩如今白髮棲雲煙玉盤笑指小時  
月石皴同酌山中泉潯陽隱者香山老爭及二髯兄弟好洪  
崖井畔浴金丹徐孺亭前拾瑤草一髯遊戲來江東霜眉玉  
面凝方瞳仰視金烏瑩若鏡試揮綵筆輕如風我本先生弟  
子行南望松喬數神往願爲石上埽梅花更向雲邊捧藥杖

又題東齋課讀圖

芸香一齋滿松色四窗明畫見蝸髻綠人飄鶴髮清高名太  
邱長上壽濟南生舊卷猶佔畢傳家是此聲

洞庭龍女歌爲祁生孝廉題洞庭綠院本

珠宮貝闕通呼吸金甲神人奮波立手割洪流萬丈開失路  
書生平步入因緣荒幻世所疑赤繩繫足如此奇情魂淪入  
三生石星娥神女皆相思洞庭由來張樂地瀟湘帝子此游  
戲夜彈寶瑟無人知黛眉愁對君山翠君不聞雨工戴角成  
毛羣仙顏欲化涇陵塵馬上郎君抱明義夫婿那如行路人  
騷人心探龍宮籙寫作人間斷腸曲鍊成媧石補情天淚滿  
九疑峯下竹風鬟霧鬢何娉婷洛如遙妬波臣驚長生亦是  
等閒事羨爾顏色能傾城天桃豔發五花樹幅巾願拜哀牢  
主晉日錢唐破陣聲翻出霓裳羽衣譜子春凡骨情亦頑求  
取明珠身便還何年借得仙人笛吹入風濤瀕洞間

賓谷都轉招同萬梅臯丈及厚庵祁生遊焦山并歷  
京口諸勝足跡所及各題一詩卽呈諸公和之

曉色上煙鬢收帆叩佛關雲飛京口樹潮劈海門山古鶴埋  
沙久乖龍臥鉢閑焦仙能避世亦在怒濤間

焦山

黃鶴山椒寺蓮花繞石臺井傳劉裕汲香引米顛來萬竹搖

秋影雙松抱古哀杜鵑能惹恨九日更休開

鶴林寺

太子讀書處高人避地居空山埋石几故宅響鐘魚樹色三

山蔽江聲六代餘時清無隱逸誰此結茅廬

招隱寺

聞道師子窟滿山秋海棠雨消金菊蕊風掃木樨香石洞雲

粘壁花宮草沒廊莫嫌時節暮松柏正蒼蒼

海棠山

其厯羊腸路來尋竹院僧到門山兩翼當殿石三層語出天

花墜詩成海霧騰遊情剛一暢已點佛前燈

竹林寺

鶴林寺杜鵑歌

井序

頃遊鶴林有古杜鵑樓云殷七七九日開杜鵑花處樓下

雞冠雁來紅羅羅數本支持秋風心豔俗者之奇傷今冷落前詩云爾意取連峭輒復爲之歌云

蜀禽啼血春冥冥染遍江南山骨青紺宮一樹何奇靈傳說移恨白赤城天桃之伴長松精橫柯高拂浮圖鈴花開赤燄燒春晴喧闐車轂交盤纒競吹金管傾銀瓶豔光上燭白玉京五百仙人齊眼明坐憐仙葩遭世輕持遺玉女司花局何物羽流能使令疎風冷雨催繁英菊花當節輪芳馨違候奪天媚貴鄉否則游戲愚羣盲花神厭苦思逃形一朝解化資刀兵玉女招魂歸紫清枯枝怨魄徒哀鳴白爾人世閱千齡冷紅點砌秋零星古剎樓榜猶花名可憐海水環蓬瀛中有園苑仙所營奇芳異卉羅階庭厯劫英華茲合并此花至今應尚榮竊疑仙者太癡生愛花乃更逾凡情下搜香豔無餘

零花下笑歌人莫吟白日仰首勞雙睛瓊花舊觀亦屢經杳  
無煙駕空中行積陽荒草喧蟲聲

送元崧崖丈歸盱江

肝膈徹秋月須眉懸古圖夙笱慕長者如公今或無早歲抱  
利器駿馬馳上都振襁挽英侶解劍酬壯夫一官落猶川以  
道爲師儒衆士賴拔植羣公尊楷模一朝撫白鶴大笑還長  
吁雲霄旣歛翮胡使樊籠拘來看淮水月十稔忘歸與曠懷  
靡所域況乃親戚俱兒孫簇蘭玉終然懷舊廬束書上南船  
使我心煩紆憶我相見始春風吹座隅賞我意軒豁知我才  
拙迂體察到微細枯渴頻煦濡時時飲我酒快論相軒渠毋  
戢疾風雨應者常丐徐卽茲奉歡笑膈臆皆開舒識度固殊  
微要本胸中書嘗爲話曩事磊落如貫珠又爲道生平多與

人言符籙我以誌，慕聞言久歛。既後死，倘執筆，心諾豈敢渝。  
秋風蕩江介，菊花薦清醑。對此值離邊，感想何由紓。公嘗師  
俞而精蘊，通靈樞。天和自嘯吸，顏色恆充如。浮世運白，日養  
生，胡可疎。量腹進松朮，矧是前哲謨。願從鹿門叟，采藥全真

吾

爲友人題畫

寄語船人好，得知落帆休。早亦休遲，青山一桁斜。陽暗江岸  
漁燈欲上時。

送胡果泉觀察秩滿赴闕

三十四韻

時自湖州入都道經邗上

昨有東吳使，傳君南越來。琴聲在流水，詩夢徃高臺。計日期  
偏爽，占風信。屢猜霜花榮，令節辰象炳。中台隔面逾三歲，牽  
腸輒九迴。驚看鬢生雪，對語淚浮杯。性拙遭疑謗，官貧孰輓

推雷霆喧破壁雨露潤枯荻更值毛羣動專承羽檄催羊躡  
爭險塞虎穴據崔嵬餉道穿雲赴軍書剪燭裁臥聞飛箭響  
行怵短刀摧破賊徒推謝旋師亦候裴一身多難得十口百  
蠻回憶接陳蕃座慙誇阮瑀才文移多屬草謀議或書灰地  
入窮山窟城齊駭浪堆營窠蜂作陣執穗懈朝魁定策擒奸  
首搜巢絕禍胎彼時曾目擊茲事足心哀大吏持輕典何人  
識後灾寇情斯跋扈逆黨果喧虺腐鼠鴟猶嚇修蛾鳩又媒  
長松扶氣立重霧入懷開四牡今還返孤舟此溯河襄輕無  
鶴累道遠只鴻陪時令弟浣雪同行別恨淮東兩前程薊北埃感  
恩方奮激謀養亦徘徊喬木遷臨桂君以迴避當調粵西會秩滿不果行盤根  
甚嶺梅竹符知再錫棠樹合移栽官海難爲渡廉泉未可酌  
雖懸如斗印終歎滿船轉古畫傳疏傳斐衣慕老萊珠湖所

居也在  
番陽治  
風月好相戒咏南咳

賓谷都轉膺薦入 覲與同人送至秦郵雨中登文  
游臺酌別歸途成長短句卻寄

先生蓬嶠人司嵯江淮間口飲淮南水眼看江上山十載熱  
官冷如此豈惟一廉報 天子強仕之年髮有霜心勞力瘁  
可知矣度支財賦此爲重不與九州均職貢俗吏胸無平準  
書但倚均輸籌 國用由來富國先富民如君真是封疆臣  
別有經綸奇鈔法牢盆鍾釜皆 皇仁卽今考績朝京闕夾  
道千人畏離別羣知劍珮上星辰願復江淮建旌節送君文  
游臺雲窗八扇開三十六湖煙水闊濛濛秋雨彌空來古人  
往矣君復去片帆歸向蒼茫處合倩龍眠重寫圖待君他日  
題長句



南塘曲

春雨復春煙春風引畫船  
低頭弄蘭漿常得旁人憐  
三月采蘆芽六月采荷花  
鴛鴦藏曲岸鴻鵠起平沙  
七月荷花老九月蘆芽槁  
相憐知幾時妾貌不長好  
北望是秦郵南望是邢溝  
兩水中斷絕但見南塘月  
嶰簫郭索行魚鬣潑刺聲  
微燈映遠火塘水流無情  
塘水年年綠妾顏尚如玉  
盡日坐船頭妾愁耶不愁  
妾有一端綺花枝盡連理  
前年已織成緘疊空箱底  
無人知妾心剪付南塘水

貢籃兒

并序

貢籃兒貢姓失其名會稽人流寓無錫以眼醫養其母常攜一藥籃入市人以籃兒名之爲人治疾與之錢不辭不與亦弗索或言是嘗舉孝廉通性理之學晦而不有蓋可

異也

貢籃兒以籃名手攜一籃晝入城金匱刮眼昏者明有錢無錢同一情但有老母無妻子以籃養母母歡喜身與一籃相終始吾聞籃兒家會稽少年曾着白紵衣偶來采藥錫山下忘名忘世兼忘歸貢籃兒何人斯人不測吾不知

小鬍鬚

井序

小鬍鬚無錫慧山下乞兒也能捷走不常與人俱得錢積年囊中攜之行雖甚飢不以易食既而年七十初度日遍各城中丐者盡出囊錢置酒宴樂酒畢遂死叟丐釀錢卽山下葬之

小鬍鬚頭鬣禿朝遊無錫市暮宿慧山麓乞錢不自救飢寒人疑鬍鬚何肺肝一旦傾囊名羣丐沽酒買肉羅杯槃自言

行年七十矣今日之樂應可死擲杯大笑身已僵羣丐號咷  
登北邙人生快意死不枉丐者能豪更難量蒼毛白髮守錢  
奴和嶠王戎真乞相

白羊子

非序

白羊子姓楊陽湖人生而毛髮皆白類羊人名之白羊子  
云乞食先食其母已乃食其餘得錢稍多卽分子穉丐穉  
丐皆德之今尚在也此與上二篇皆和英初作

白羊子孝且仁乞食使母忘其貧更以餘錢周丐羣羣丐感  
恩母其母稱頌不減平原君白羊子惜爲丐不然有人爲爾  
宰西蠡河水空洋洋卻入濁流下東海朱門酒肉不救飢好  
施乃有襪縷兒世情固如此天道還難知白羊子丐之聖作  
詩爲爾志崎行是陵其邑楊其姓

壽王述庵侍郎八十

先生講學西湖時，賤子走謁當炎曦。萬松巒日火雲斷，一鶴  
守門仙翻垂橫簾。畫入華胥譜，塵扇早賞亭皋詩。廿年引領  
望風采，一見挽袖軒霜眉。面色凍梨壽者相，目光閃電人倫  
師。公言問聲欲識久，我恨問字從遊遲。使旌旆駐章貢上，儒  
巾始着臨汝湄。金臺萬里旣北客，鑑湖一曲先南歸。雲泥判  
隔星霜錯，葵藿傾向萍蓬違。羊欣曾被筆，蔡禮王粲特荷中。  
郎知古賢歎接豈，偶爾當肯遇合真。榮施社櫟薪樗外，匠石  
丹砂玉札歸神醫。青雲舊多才峻附，絳帳尚有生徒隨。門前  
柳水洗丹筆，座右嶧桐鳴素絲。百城坐擁老益壯，萬間廣覆  
貧猶支手握星辰布。朝列曾羅兵甲清邊郵，勛名耀今那  
暇述風義抗古疇。能齊神仙儒者所，唾棄壽考君子當娛嬉。

大海瀾光照玉樹細林山影浮金卮頌禱敢爲衆人語因緣  
儻訂千秋期

瓜洲對月寄芙初

鎮日南風剪客橈空懸雙眼待金焦黃餘榭葉明僧舍綠盡  
楊枝暗野橋鶴影寒於秋後月鴉聲喧似晚來潮霜天莫倚  
樓闌望今夜參辰隔更遙

寄手山留別

君嘗贈我貧交作我亦酬君壯士嗙出匣劍光磨赤土當筵  
筭撥亂黃金多情蛺蝶隨花盡不死蟾蜍和月沈慙愧江南  
同作客等閑孤負少年心

自京口至金陵覽古二十四韻

輟懼潮聲遠搖鞭馬首孤人煙籠鏡裏海月墮冰盃配命惟

朱鳥偏安始亦烏羣姦攘篡地幾載帝王都究豫遙登籍燕  
秦各盜符中原譏白版一水限黃圖李樹花旋落長陵烏又  
呼君臣工納款骨月慘相屠王氣尋常畢形家揣測誣埋金  
憐楚妬鑿石笑秦愚輦道開樵斧臺基列酒壚城池遮百粵  
風月冠三吳鼓角防江帥釵鈿倚市姝繁華宜盛世形勝陋  
前橫畫景看紅葉郵程指綠蕪天寒雲欲凍土沃草猶蘇往  
歲當炎節清晨戒僕夫攜尊江總宅揮扇莫愁湖句曲尋仙  
處長干送客途誅茆乖夙願浮梗愧今吾市饌青鱗活郵蔬  
紫蓼腴寓形原傳舍修道少行廚擊楫心何有爭墩志亦無  
鍾阿容躡屨不共彥倫道

開宜興陳涓巖秀才

應熊

卒於鄱陽詩以悼之

六月邗江重相見不減洪都舊顏面更言豪飲勝當時那知

已無同醉期明日回舟溯彭蠡鄱陽縣尹君同里高義自能  
敦故歡情無妙藥起君死君之文學可高第君之才能勝良  
吏鬚髮猶青骨竟白人生年命獨難恃君家本陽羨苦無陽  
羨田在家會幾日乃死芝山邊邱首應歸善卷洞可有買山  
營募錢憶管射亭豫章地名遊從久吳生白庵我友亦君友吳生作  
畫我驗詩與君日飲無何酒吳生梅嶺歎蹉跎聞君訃音知  
奈何我舟今泊練湖側爲君一賦招魂歌

松江二首

便有乘槎興水光如此寬海聲喧亂槳城影幻重巒氣與吳  
雲洩風侵越樹寒數灣行不盡歸路故應難

地久平原占舟無張翰居清聲懷古鶴巨口羨遊魚岸草銷  
煙溼橋闌臥水虛也堪容隱道倚棹一躊躇

北新吏 并序

美阮芸臺中丞也中丞撫兩浙兼主北新關權今五年政  
令寬簡商旅不擾而稅額贏足身所經見證以輿論乃作  
此詩

魯過北新關關吏猛如虎嗔喝啓箱囊見金卽奪取今過北  
新關但問來何許見我案頭書知我非商賈關開船卽行不  
煩詞說苦三年度此關吏會不訶侮試問來往人皆言關易  
過問吏何能爾使者無煩苛賦稅自充裕豈在多網羅水清  
沙自潔官賢弊自絕飛權出錢唐桐廬看山月

玉山阻灘

嶽舟爭一灘水口狹如竇要遮雨莫行水手怒相詬去時苦  
不速還日復思驟往來同一情咎施乃今受吾聞滄海寬萬



船散黑豆風檣各快馳千里疾懸漚有時遭衝颶亦自勞守  
候波濤況洶湧敢與魚龍鬥此行雖遲滯凶危庶無造獨慙  
垂釣翁坐對溪山秀

舟夜

桃花灘頭落日紫一舟轉向霞光裏夜行要風兼要月風送  
蒲帆月照水須臾少女從東來手持圓鏡以雲洗遠樹過空  
團作煙時有飛影落沙嘴推篷滅燭夜未半貴溪城牆觸眼  
起明日單車定西邁榜人奴子亦欣喜老母思兒知未眠只  
道兒身尚千里恨無馱足能飛行先寄此時書一紙

聞石城廣昌白蓮教作亂

霜刁一夜警西鄰安撫提兵遏戰塵左道餘氛消隴蜀羣凶  
狡窟在甌閩扁舟未辦浮家計短劍難依報國人今日挾

書還井里慙無名德感黃巾

聞石城義民團鄉兵遏寇

陶朱結客散千金感激鄉閭壯士心  
堅壁自行清野法歸師已奏凱旋音  
覆勸更比霜戈利雀鼠何勞汗馬擒  
虎壘龍淵三百里側身西望倒芳榭

責貓

井序

家蓄三貓鼠暴不已諸猫之咏傳於後邨  
今輒踵其作亦戲云爾

鼠來猫不聞猫在鼠不避猫飽鼠正飢鼠醒猫方睡  
朝來伸腰出竈門開眸曳尾如風奔移時嗷嗷逐人  
躡晨炊已熟求魚殫晝長無事登樓閣暗伏簷牙  
候燕雀又向庖厨屢覓索餘甘往往遭銜攫吁嗟  
三猫同一才主人豢爾何為哉鼠輩

相欺轉無狀笑爾虛名稱鼠將

歲暮苦雨四首

息足已彌月雙屐曾未乾霜雪化老雨晝夜喧簷端階除久  
滑溼苔綠緣石闌草木雖猶青生氣亦已殫園梅強應候開  
落無人看澤腹宜堅凍涼水翻瀾漫窮陰伏九地鬱積爲春  
寒春寒作瘴癘一發誰敢干

溫酒未及飲雜選人推門丐子挾妻孥來求一飯恩冷水徹  
鶉衣汗泥沾破禪言逢昨歲歉舊產無一存風雨不暇畏廢  
食輸雞豚聞之黯悲歎嗒然停壺尊我雖無僮石今日猶饔  
殮且分釜中羹聊用慰飢奔此輩日數至情狀難具論雲氣  
益霏對雨勢還傾盆

昨夜聞雷聲駭歎不敢寐朝來鄰父言三牛一時斃此物供

耕耨見擊有何義得非氣候愆陰陽偶爲厲曾聞鄞縣羊政  
以取龍累造物多神變誰能識所謂

元冥運水德冬雨固其常及此百工休生理無所妨奈何恣  
滂沛道路成汙潢人事苦難齊閉戶有不遑行旅旣愁戚居  
人亦悽愴重陰壓窗牖兩旬久不揚焉得遂晴爽歲月皆常  
堂